

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. I. Quid & quotuplex sit futuru[m] contingens

[urn:nbn:de:hbz:466:1-77132](#)

etiam Divina Sapientia Ecclesiastici 24. dicit se ex ore Alchimi (id est intellectu Patris) producere: Ergo actus quod Deus ad extra producit creaturas, non pertinet ad voluntatem, sed ad intellectum, ut motum à voluntate.

Sicut igitur Pater aeternus producit Filium per dicere notionale, ita & omnes Personæ Santissima Trinitatis, producunt creaturas per dicere commune & essentiale; sive per actum impetu, formaliter immanenter, & virtualiter transeuntem. Imperium autem, ut docent Theologici cum sancto Thoma 1. 2. quæst. 17. tria importat: scilicet directionem, intimationem, & motionem: duo prima habet intellectus & sunt à scientia, tertium verò illi communicantur à voluntate, que est primum movens quantum ad exercitium: nam haec potentia, quoad suas operationes, semper juvans, intellectus dirigit voluntatem, & illam determinat ad speciem actus: voluntas moveat, & applicat intellectum, illumque determinat ad exercitium: unde sicut ordo qui reperitur in actibus voluntatis, est ab intellectu dirigente, & ordinante; ita & vis movendi que reperitur actu imperii, est à voluntate moveante, & applicante. Unde ex hoc triplici actu, scilicet ex directione, & intimatione intellectus, ac motione voluntatis, coalescit actus efficaciam imperii divini, quod non solum dirigit ad creature rationales, sicut imperium humanum & politicum, sed etiam ad insensibiles & inanimatas, nam Deus vocat ea que non sunt, tanquam ea que sunt, & insensibilia illi ut sensibilia obediunt. Unde Job. 38: mari dixit, *Vtq; buc venies, & non procedes amplius, & hic confringes umbras fluctus tuos.* Et Joan. 11. Christus ait Lazaro mortuo, *Lazarus venias.* Et Match. 8. imperavit ventis & mari. Ubi eleganter Hieronymus: *Ex hoc loco intelligimus: quod omnes creaturae sentiunt Creatorem imperantem, non errore Hereticorum, qui omnia putant animata: sed maiestate conditoris, cui sensibilia sunt, que apud nos sunt insensibilia.* De actu imperii plura dicimus in Tractatu de praedictis. *Alp. i. art. 3.* & in Tractatu de actibus humanis, disputatione II. pertinam.

§. III.

Solvuntur objectiones.

Contra istam conclusionem obisci potest: Producio creaturarum in Scriptura saepe attribuitur divina voluntati: dicitur enim Psal. 144. *Omnis quicumque voluit dominus fecit.* Et ad Ephes. 1. *Qui operatur omnia secundum consilium voluntatis sue.* Ergo potentia immediate operativa in Deo, non est intellectus, sed voluntas.

Confirmatur: D. Thomas infra quæst. 19. art. 4. ad 4. art., quod ejusdem effectus scientia in Deo est causa ut dirigens, voluntas ut imperans, & potentia ut exequens: Ergo secundum D. Thomam, scientia in Deo non concurrebit effectivè ad productionem rerum, sed tantum directivè.

Respondeo quod cùm actus imperii quod Deus producet creaturas, pertineat partim ad intellectum, partim ad voluntatem, modo supra explicato; Scriptura interdum attribuit productionem rerum divinae volitioni, scilicet tanquam causa moventi; interdum verò ejus dictio, & locutioni, tanquam cause operanti, & executandi. Unde Apostolus dicit, quod Deus operatur omnia secundum consilium voluntatis sue. Ubi, ut notavit Glossa, prius ponitur consilium, quod pertinet ad intellectum, & postea additur, voluntas.

A tatis sua: ut per hoc significetur, quod intellectus divinus, ut motus & determinatus à voluntate, est causa rerum.

Ad confirmationem dicendum est, quod quando Sanctus Thomas ait quod scientia in Deo est causa dirigens, loquitur de scientia simplicis intelligentiae, qua concurrevit tantum directivè ad productionem rerum, unde addit, *Scientia quae concipitur forma operis.* Quibus verbis aperte significat, eloqui de scientia, qua continet ideas rerum possibilium, qua est scientia simplicis intelligentiae. Cùm vero subdit, quod voluntas se habet, ut causa imperans, loquitur de imperio, quatenus importat motionem & impulsum: sub qua ratione (ur diximus) pertinet ad voluntatem, non verò ad intellectum. Deniq; quando subiungit, quod potentia se habet ut exequens: per illam potentiam exequentem, significat ipsum intellectum, ut practicum, & ut motum ac applicatum à voluntate: sub qua ratione gerit vicie potentia executiva in Deo, & est immidiatum principiu operationis ad extra: unde ibidem ait, *intellectus speculatorius nihil dicit de operando.*

Quod si aliquis contendat, per potentiam illam exequentem, S. Doctorem significare potentiam aliquam virtualiter distinctam ab intellectu & voluntate, dicendum est cum Cajetano & Alvarez, illum id correxisse, seu potius magis explicasse infra quæst. 25. art. 1. in solutione 4. argumenti, ubi dicit, *scientia divina, secundum quod est principium effectivum, habet rationem potentiae.* Quibus verbis aperte declarat, scientiam Dei ut applicatam per decretum, habere rationem potentiae operativæ ad extra, per actum imperii.

DISPUTATIO IV.

De scientia futurorum contingentium.

Hic aggredimur gravissimas hujus temporis, & Tractatus questiones, ac controversias; & reliquo, ut ita dicam, littore, in altumducimus: ut Christus dicebat Petro Lucæ 5. id est (ut explicat D. Ambrosius) in profundum disputationum ingredimur. Aginus enim de scientia futurorum contingentium, quæ orixas & contentiones inter Patres Societatis & Thomistas excitavit. Verum cum notitia cuiuslibet scientia ex objecti sui cognitione maximè pendeat, priusquam celebres illas controversias discutiamus, tria in hujus disputationis limine præmitenda & declaranda censuimus, quæ magnam lucem afferent his quæ in toto ejus decurso dicti sumus; nimur quid sit futurum, quid contingens, & quotuplex detur futurum contingens? Unde lit

Lib. 4
in
cap.
Lucæ,

ARTICVLVS I.

Quid & quotuplex sit futurum contingens?

§. I.

Resolvitur prima pars quæsti, & declaratur in quo essentialiter consistat futurum.

Dico primò: Rem constitutu in ratione futuri, per determinationem, preparationem, & ordinatem causarum ad illius productionem: ac proinde futurum recte definiri, quod est determinatum in causa ad habendam existentiam pro duratione sequenti. Est contra plures ex recentioribus,

DISPUTATIO QUARTA

ribus, qui videntes ex hac definitione futuri, se-
qui manifestam destructionem scientiae mediæ
(ut constabit ex infra dicendis) illam negant.
Unde P. Annatus in libro quem edidit pro de-
fensione scientiae mediæ disp. I. cap. 2. ait aliquid
esse futurum, nihil aliud significare, quam al-
iquando contingere rem habere suam existentiā,
etiam si quasi contingat casu, id est, nulla quoad
hoc præcesserit determinatio in Deo, sed tan-
tum præscientia, & adeo firmam putat hanc do-
ctrinam, ut nihil possimus illi opponere, quan-
tumvis nos excutamus. Sed ut clarè pateat,
quam parum soliditatis & probabilitatis habeat
hæc sententia.

2. Probatur primò conclusio ex D. Thoma, quest. 2. de verit. art. 12. ad 7. ubi ait. *Cum dicitur hoc est futurum, designatur ordo qui est in causis illius rei ad productionem ejus. Et in 1. dist. 3d. quest. 1. art. 5. dicit, Deus videt ordinem sui adrem, ex cuius potestate res erat futura: ille autem ordo, nihil aliud esse potest, quam determinatio divinae voluntatis, ad res producendas, per quam transferuntur, ut statu merae possibilitatis ad statum futuritionis. Idem docet 1. contra Gent. cap. 6. 1. Pe-riherm. cap. 8. 2. quest. 17. art. 6. ad 2. Et in hac parte quest. 16. art. 7. ad 3. ita expressè loquitur, ut nullus dubitationi relinquit locus: dicit enim, *Omne quod est, ex eo futurum fuit, antequam es- set, quia in causa sua erat ut fieri: unde sublatā causa, non esset futurum illud fieri &c.* Et tandem in hac quest. art. 13. sic habet. *Alio modo potest considerari contingens, ut est in sua causa; & ita consideratur ut futurum: Ergo ex D. Thoma, res est, & denominatur futura, à præparatione, ordinatione, seu de- terminatione causarum ad illius productionē.**

3. Probatur secundò ex D. Augustino, qui cap. 9. de corrept. & gratia, & lib. 6. de Genesi ad litteram cap. 17. dicit, *Deum futura facere, nihil aliud est, quam corum causas preparare.* Et Tractatu 68. in Joan. docet, quod Deus fecit futura, ea prædestinando.

4. Probatur tertio ratione ex dictis locis desum-
pâ. Rem esse futuram, est aliqua denominatio
realis, non quidem intrinseca, sed extrinseca:
denominatio enim intrinseca non potest com-
petere rei non existenti: Ergo debet ab aliqua
forma reali & extrinseca provenire: At talis for-
ma non potest esse alia, quam determinatio
causæ ad ejus productionem: Ergo rem esse fu-
turam, nihil est aliud, quam ipsam esse determi-
natam in causa, ad habendam existentiam pro
tempore sequenti. Major, & prima Consequen-
tia patent, Minor probatur. Talis forma non po-
test esse ipsa causa, præcisè ut potens ad produ-
cendum effectum: cum ut sic tantum tribuat
denominationem possibilis; non potest etiâ es-
se eadē causa, ut & tu influens esse in effectum;
sic enim dat denominationem existentis: Ergo
solum potest esse eadē causa, ut determinata ad
dandam illi existentiam in duratione sequenti.

Respondeat Suarez prolog. 2. de gratia cap. 7.
rem non esse, nec denominari futuram à deter-
minatione causæ, sed ex habitudine ad existen-
tiā pro determinato tempore habendam.

Sed hæc respicio magis confirmat, quam infirmit
vim argumenti propositi: Cùm enim ha-
bitudo ad existentiam pro determinato tempore
habendam, nulli rei creatæ conveniat essentia-
lier, & ab intrinseco, debet ei competere ab ex-
trinseco, & ex aliqua causa efficiente: unde cùm
non possit ei competere à tali causa, præcisè ut

A potente, & indifferente ad dandum illi esse: ei
convenire debet ab eadem causa, ut præpara-
ta, & disposita, ac determinata ad ejus produ-
ctionem.

Probatur ultimò conclusio, & magis confi-
matur, & explicatur ratio præcedens. Res futu-
ra constitui debet in ratione futura, per illud,
per quod distinguitur à merè possibili, & ex-
istenti: Sed ab utraque distinguitur, per hoc
quod sit determinata in causa ad habendam ali-
quando existentiam: Ergo per talem deter-
minationem constituitur in ratione futura. Major
est evidens, ut nim dicunt Philosophi, idem est
constitutivum rei, ac distinctivum illius à qual-
ibet alia. Minor vero declaratur, & probatur.
Res merè possibilis continetur in causa indeter-
minata, & indifferente ad dandum illi esse. Res
existens, est totaliter extra suas causas; cùm ex-
istentia idem sit, ac existentia rei extra causam:
Atqui sola determinatio in causa, facit differ-
entiam futuram, & quæ est omnino extra causas,
& à re quæ est in causa omnino indifferente;
& indeterminata: Ergo determinatio in causa di-
stinguit rem futuram, ab existente, & merè pos-
sibili. Major constat, Minor etiam non est mi-
nus evidens. Res enim futura, nondum est extra
sue causas, aliás esset præsens, & existens; nec
etiam est intra causam omnino indifferente,
& indeterminata, ad dandum illi existentiam;
alioquin esset merè possibilis, nec magis esset fu-
tura, quam non futura, & cùm continetur in-
tra causas, & per hoc differat à re existente,
quæ est omnino extra causas; ut differat à merè
possibili, debet esse intra causam cum deter-
minatione; & sic res futura, erit illa quæ est
determinata in sua causa, ad habendam existen-
tiā pro duratione sequenti.

§. 11.
Corollaria præcedentis doctrinae.

Ex dictis colliguntur primò, quod cùm sit du-
plex determinatio causarum, una infallibilis,
& immutabilis, qualis est determinatio causa
prima: altera fallibilis, & mutabilis, qualis est
determinatio causæ secundæ contingentis, vel
liberae, duplex etiam distingui solet futuritio: u-
na certa & infallibilis, per ordinem ad causam
primam; & altera fallibilis, & impedibilis, per
ordinem ad causas inferiores contingentes, vel
liberas. Quod est futurum primo modo, est sim-
pliciter, & absolutè futurum, & de eo potest di-
ci simpliciter, quod erit; quod vero tantum
secundo modo est futurum, est solum futurum
secundum quid, nec de eo simpliciter potest di-
ci, quod erit; sed cum addito tantum, ex visi-
lice inclinationis, & determinationis causa.
Unde D. Thomas quest. 12. de verit. art. 10. ad
12. *Causæ superiores quo sunt rerum rationes in
divina præscientia, nunquam deficiunt ab imple-
tione suorum effectuum, sicut deficiunt causæ infe-
rioris; & ideo in causis superioribus cogno-
scuntur eventus absolute, sed in inferioribus,
non nisi sub conditione.* Ubi per rationes rerum,
intelligit ideas ut determinatas per decretum
divinum: sicut ipse docet quest. 3. de verit.
art. 6. in corp. ubi ait, *Idea rerum quo sunt,
sunt, vel erunt, determinantur ex proposito
divina voluntatis.* Senti ergo S. Doctor, res crea-
tas ex origine tantum ad divinum decretum,
accipere infallibilitatem eventus: non vero

exordine ad causas inferiores, praesertim ad contingentes, & liberas. Et in hac parte quæst.
19. art. 7. ad 2. hæc scribit: Deus aliquando pronuntiat aliquid futurum, secundum quod continetur in ordine causarum inferiorum, præsumtum quod tam non sit: quia aliud est in causa superiori divina. Sicut cum Isaías predixit Ezechias: Dispone domini tua, quia morieris, & non vives; ut habetur Isaías 38. neque tamen ita venit, quia ab eterno aliter fuit in scientia, & voluntate divina, quia immutabilis est. Et 2. 2. quæst. 184. art. i. dicit quod duplum prophetiam, unam comminationis, quæ non semper impletur, si cuius quando dictum fuit Jonæ 3. Adhuc quadraginta dies, & nimis subvertetur alteram prædestinationis, quæ semper, & infallibiliter impletur: qualis erat ista. Ecce Virgo concipiet, & pariet, &c.

8. Colliguntur secundum Ex ordine ad causas secundas classatio operantes, dici aliquid futurum simpliciter, id est absolute. Ex ordine ad causas secundas contingentes, ad unum extreum propensa, dici futurum cum addito. Ex ordine vero ad causas secundas contingentes, ad utrumque schabentes, nullatenus dici futurum.

9. Probatur: Illud est futurum, quod est in causa determinatum ut fiat: At quod habet esse in causa necessaria, immutabiliter operante, est determinatum simpliciter, in causa autem contingenti, ad unam partem magis propensa, tanquam haber determinationem secundum quid; & in causa contingenti omnino indifferenti, nullam habet determinationem: Ergo ex prima dicitur futurum simpliciter, ex secunda, secundum quid tantum, ex tertia autem nullo modo.

10. Confirmatur: Id est futurum, de quo potest aliqua certitudine cognosci, quod erit: sed quod habet esse in causa necessaria, & immutabiliter operante, potest cognosci quod erit, certitudine tali simpliciter, nempe scientifica: quod autem habet esse in causa contingenti, magis ad unam partem propensa, quam ad aliam; solum potest cognosci quod erit, certitudine conjecturali, quæ est certudo tantum secundum quid: quod determinatum continetur in causa contingenti, indifferenti utrumlibet, nullam certitudine potest cognosci quod erit: Ergo primum est futurum simpliciter, secundum solum secundum quid, tertium nullo modo, sed tantum possibile. Ita expressè docet S. Doctor in 1. dist. 38. quæst. 1. art. 5. circa medium corporis, ubi ait: Scendum igitur est, quod amēquām̄ res sit, non habet esse nisi in sua causa; sed causa quādam sunt ex quibus necessari sequitur effectus, que impediti non possunt; & in illis habet causatum, esse certum & determinatum, ideoque potest scribi demonstrative, sicut est ortus Solis, Eclipse, & huiusmodi. Quedam autem sunt causa, ex quibus sequuntur effectus ut in majori parte, sed tamen deficient in minori parte: unde in istis effectus non habent certitudinem abolutam, sed quādam, quantum sunt magis determinatae causa ad unum, quam ad aliud; & ideo per istas causas potest accipisci conjecturalis de futuris. Et paucis interpositis addit. Sed quādam causa sunt, quæ se tuto nullam habent certitudinem, aut determinationem; & ideo contingencia ad utrumlibet in causa suis nullo modo cognosci possunt. Idem docet 1. Petri, lect. 13. & de verit. quæst. 2. art. 12.

11. Dices: Quando Sanctus Thomas in his locis Tom. I.

A ponit hoc discrimen inter causas naturales, & contingentes, quod in primis effectus habent certam & determinatam futuritionem, non autem in secundis: vel in causis naturalibus, & necessarioperantibus, involvit decretum divinum prædeterminans, & applicans causas secundas ad operandum, vel illud excludit. Si primū, nulla erit differentia, quam statuit inter causas naturales, & contingentes: cùm in ipsis, prout subduntur decreto efficaci, & prædeterminanti, effectus contingentes non minus infallibiliter sint determinati, quam effectus naturales in causis necessariis. Si vero secundum dicatur, non erit verum dicere, quod effectus naturales infallibiliter evenient, cùm seculo decreto prædeterminante, & applicante causas secundas ad operandum, nullæ causæ, etiam naturales, & necessariae operentur.

Respondeo, D. Thomam in his locis, neque includere, neque excludere tale decretum; sed ab illo abstrahere, non abstractione negativâ, sed merè præcisivâ: id est ad illud non attendere, nec tamen illud negare; sed intendere solum, quod quia effectus naturales, & necessarii, sunt determinati in suis causis, in illis habent certam, & infallibilem futuritionem; non tamen effectus contingentes in causis contingentibus, quæ sunt indifferentes ad utrumlibet. Nec obstat, quod Deo suspidente concursum, effectus etiam naturales, non ponentur extra causas: nam cùm talis suspensio foret miraculosa, etiam miraculosum esset, quod talis effectus extra causas non ponetur: ex quo non sit falla propositio, quæ dicitur, quod ille absolute erit.

S. III.

Solvitur objectio Suarez.

Obicit Suarez loco supra citato contra nostram conclusionem, & definitionem futuri in ea traditam. Si futurum esset illud quod est determinatum in causa, posset aliquid fieri in tempore, quod antecedenter non esset futurum. Item posset aliquid esse futurum, quod nunquam esset præsens: Sed utrumque videretur absurdum. Ergo futurum non recte definatur id quod in causa, ad habendam aliquando existentiam, determinatum est. Probatur sequela Majoris, quātum ad primam partem, nam posset aliquid in tempore fieri, ad quod non præcederet in causa determinatio, & inclinatio ad unam partem magis quam ad aliam, sed omnimoda indifferentia. Ergo si futurum consistat in determinatione causæ, poterit aliquid fieri, & esse præsens in tempore, quod antecedenter non fuit futurum. Probatur etiam quātum ad secundam: Potest enim contingere causam secundam, esse ad aliquid effectum determinatam, & inclinatam, qui tamen in re non ponetur, sed eis opositum, quia impeditur ab alia causa superiori & potentiori: Ergo si futurum non sit aliud, quam determinatio in causa, poterit aliquid esse futurum, quod nunquam erit præsens & existens.

Respondeo negando sequelam Majoris, quātum ad primam partem: cum enim nihil in tempore fiat, quod non fuerit ab aeterno a Deo determinatum, nihil potest esse præsens in tempore, quod non fuerit futurum ab aeterno, saltem respectu cause primæ; licet respectu causarum secundarum possit interdum contingere, quod

aliquid producatur in tempore, quod prius, prioritate temporis, & durationis, non fuit in eis determinatum, nec consequenter futurum. Dixi prioritate temporis, quia in sententia Thomistarum, nulla creatura potest in actu exire, nisi prius natura fuerit a Deo ad operandum determinata.

15. Ad secundam partem Majoris similiter dicendum est, nihil posse esse futurum per ordinem ad causam primam infallibilem, & immutabilem, quod non ponatur aliquando in tempore: per ordinem tamen ad causas secundas fallibilis, & contingentes, non repugnat quod aliquid esset futurus, qui tamen nunquam erit praesens & exitens, ut colligitur ex Aristotele 2. de Generat. text. 64. ubi dicit, *Futurus quis incedere, non incedet.* Quia interdum determinatio illa, qua quis volendo incedere, faciebat futuram deambulationem, vel mutatum a voluntate, vel impeditur ab alio, ne sortiatur suum effectum. Idem docet S. Thomas i. Periherm. cap. 8. lect. 13. Quare mirum est Suaerem, in doctrina Aristotelis & D. Thomae esse adeo peregrinum, ut pro absurdo & inconvenienti reputet quod uterque apertissime tradit.

§. IV.

Explicitur alia duo quae restant examinanda, quid scilicet sit contingens, & quoniam sit futurum.

16. VT clare percipiatur quid sit contingens, supponendum est ex Ferrariensi i. contra Gent. cap. 67. esse etum necessarium, & contingente, dupliciter posse considerari: scilicet sub ratione entis, & sub ratione effectus. Primo modo consideratur absolute in seipso: secundo autem, per comparationem ad causas. In prima consideratione dicitur necessarium, id quod quantum est ex propria natura, non potest dici, uti cœlum, & Angelus, que ab intrinseco petunt conservari in esse, ex suppositione quod hanc, quia carent principio corruptionis inclinante ad illorum non esse: cum quo tamen stat, quod ab extrinseco annulati possint, Deo suspendente concursum. Contingens autem dicitur, quod quantum est ex propria natura, deficere potest, quod etiam corruptibile ab intrinseco dicitur, eo quod habeat intrinsecum principium, inclinans ad illius non esse, scilicet materiam primam, qua appetens formam contraria, ex consequenti appetit illius non esse; & illa necessitas, & contingencia est essentialis, & invariabiliter conveniens rebus: ita ut in quocumque statu res contingens ponatur, sit semper contingens, & necessaria, semper necessaria. In secunda autem consideratione, effectus necessarius dicitur ille, qui procedit a causa necessaria, immutabilitatem agente, & quæ ab alia causa impedit non potest: contingens vero dicitur ille, qui procedit a causa quæ impedit potest, & consequenter, et si causa aliquid in ejus productionem inclinet, potest tamen non evenire.

17. Notat tamen ibidem Ferrariensis, effectum contingente, in ratione effectus, per ordinem ad causas posse considerari dupliciter. Primo quantum ad naturam effectus: secundo quantum ad modum. Sub prima consideratione, semper ei convenit contingencia, quia in quocumque statu sit, semper est effectus causa impedi-

A bilis: consideratus autem quantum ad modum essendi, aliquando habet modum contingentiae, aliquando necessitatis: primum quando est intra causam, quia etsi sit inclinata ad ejus productionem, potest non evenire: secundum autem habet, quando est extra causas, quia omne quod est, dum est, necesse est esse, ex suppositione, & ita sensu composito, non absolute, seu in sensu diviso. Ex quibus omnibus colligi potest haec definitio contingentis: *Contingens est id quod habet esse in causa impedibili, sive ab intrinseco, sive ab*

C *extra.* Circa tertium quod examinandum restat, dividendum est, futurum primò dividitur in absolutum, & conditionatum. Primum est cuius futuratio à nulla conditione non futura dependet. Dixi non futura, quia si conditio à qua penderet, futura sit, non ideo amittit rationem futuri absoluti; ut constat in Incarnatione Christi, que habuit dependentiam a peccato Adami; quia tamen peccatum erat futurum, ideo Incarnatio eiusam absolute futur erat.

B Futurum conditionatum, est illud quod ab aliis non erit, et etiam in aliqua conditione ponetur: ut si ladas ageret penitentiam, veniam consequeretur. Si Christus predicasset Evangelium Tyrius, & Sydonius, illi credidissent, & egissent penitentiam.

C Ursus hoc futurum est duplex: Unum quod cum conditione nullam connexionem habet, & solet appellari *disparatum*. Aliud quod cum illa, aliquam connexionem connectitur. Exemplum primi, *Si capra saltet, arbor florebit.* *Si gallus canit, Turca convertebitur.* Secundum quod non *disparatum* vocatur, est multiplex. Unum quo cum conditione, metaphysicæ certitudine est connatum, quale est illud in nostra sententia: *Si Deus voluntatem creatam ad penitendum promovet, penitebit.* Aliud quod cum conditione habet connexionem certam tantum moraliter, consistentem hoc, quod conditione positâ, semper eveniet, licet possit physice non evenire, etiam in sensu composito: *g. Si homo gravi tentatione pulsatur, & speciali gratia non adjuvetur, tentatione succumbet.* Licet enim possit potentia physica resistere, ab aliis speciali gratia Dei, gravi tentationi contra fræcepta naturalia, moraliter tamen non potest, sed semper succumbet. De quo in Tractatu de gratia. Aliud est quod cum conditione habet connexionem tantum probabilem, *v.g. Si furit mater, diligit filium.* *Si Petrus constitutus in necessitate, a Paulo fibi amicissimo elemptum petat, accipiet.* In quibus tantum probabilitate, futura cum conditione connectuntur, & hoc conditionatum probabile, suscipit magis aut minus, juxta plura, vel pauciora probabilitatis motiva.

ARTICULUS II.

An sit in Deo certa & infallibilis futurorum contingentium scientia:

Quidam antiqui Philosophi futurorum contingentium præscientiam Deo denegarunt. Ex illorum numero insignis est maximè Cicerus, qui libro de divinatione, notitiam admitit Deo horum futurorum, quæ a causis liberis pendent. Com-